

Januari 7, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

RASTREANDO TERENO PARIBA DI RITZ CARLTON, A HAYA UN ARMA DI CANDELA



**INVEST
SECURE**

We don't just say it ... We Guarantee it !!!



*Nos ta ofrece tranquilidad,
protehando nos comunidad.*

Pa mas informacion yama 582-7252

AYERA tardi, algo despues di 4 or, Team di Atraco hunto cu un team di Polis a rastrea e area pariba di Ritz Carlton en busca di joyas y e arma di candela.

Por bisa cu a bin encontra e arma di candela den e saliña. E ta un pistol y el a wordo confisca y entrega n.e team forensico pa por haci su investigacion.

Cuerpo Policial ta pidi ken cu a wak algo of sa algo yama tiplijn di Polis cu ta 11141 y asina yuda na soluciona e caso di atraco aki.

Di acuerdo cu Minister Dangui Oduber

AruBig lo bira un realidad e año aki, cu ta un logro grandi pa nos studiantenan den region



Minister Dangui Oduber, a duna di conoce cu berdad no a keda cla cu AruBig, pero e meta ta p'e keda cla e año aki. Desde cu Gobierno actual a cuminsa goberna, segun e mandatario nan a cuminsa traha riba e AruBig....

A cuminsa reuni cu tur e stakeholdernan, e.o Asociacion di Dokter di Cas, Specialistanan, HOH, IMSAN, Departamento di Salud, Departamento di Inspeccion, cu tur esnan cu ta participa den Cuido Medico na Aruba.

Minister Dangui Oduber a admiti, cu el a haya sigur algun resistencia, pero a splica tur hende cu AruBig ta algo cu e forma parti di programa di gobernacion. Paso-bra Gobierno kier reconoce tur yiu di tera cu ta studia den region, sea na Costa Rica na Colombia.

Pasobra esey ta un di e problemanan, esta cu e Arubiano cu a studia medicina den region, no ta wordo reconoci y nan no ta wordo brinda e oportunidad tampoco si nan kier sigui specialisa, sea na Colombia of na Costa Rica, y pa ora nan bin bek, nan no ta wordo reconoci.

Ley te awor ta bisa, cu Aruba ta reconoce unicamente e specialistanan cu a studia na Hulanda. Pesey e Gobierno aki kier un cambio drastico. E Gobierno aki kier duna e dokternan Arubiano e reconocimiento. E no tabata facil y el a haya hopi resistencia di e "field", pero den e proceso e stakeholdernan a ser splica cu e cuido medico na Aruba, no ta basa su mes n'e Big Registratie, pero semanalmente tur Minister di Salubridad Publico prome cu su persona ta firma decretonan ministerial pa laga dokterna di afo bin traha na Aruba. Y asina mes, Aruba a bin ta manda hopi paciente pa exterior, Anto pakico no reconoce nos yunan di tera cu a bira dokter den region.

Segun Minister Dangui Oduber finalmente tur hende tabata di acuerdo pa haci e AruBig bira un realidad. Mientrastanto e registra ta den preparacion, lo institui e instituto di calidad tambe. Ta trahando riba e diferente decretaona ministerial cu mester keda cla. Ta trahando riba e LB-hamnan cu mester wordo manda Raad van Advies y si tur cos cana segun planning cu Gobierno tin, p'e prome kwartal di 2020 AruGig ta un realidad...

Lo reconoce tambe pa prome biaha e dokternan di SVb, despues di a sigui un trayectoria na Hulanda y tur e dokternan aki lo wordo reconoci den AruBig. Segun Minister Dangui Oduber, AruBig lo ta un logro grandi pa nos pais, pero no solamente pa Gobierno pero pa cada un di e studiantenan Arubiano cu ta estudiando den region. Pero e lo tuma su tempo, pero na final Aruba lo tin e mihor mediconan na bienestar di Aruba, su pacientenan y cuido medico en general.

Minister di Husticia, mr. Andin Bikker a anuncia cu

Ta bay intensiva control di KPA riba personanan ilegal y re-institui Visibility Team



Minister di Husticia mr. Andin Bikker ta lamenta e caso di atraco cu a tuma lugar diasabra den area hotelero especificamente na Ritz Carlton unda a atraca un joyeria. Den un termino hopi cortico Cuerpo Policial tabata n'e sitio, mientras cu helicopter tabata patruya den e area.

Minister Bikker a anuncia den conferencia di prensa di Gobierno dialuna, cu un sospechoso a keda deteni, mientras cu e investigacion ta andando.

E sospecho den e caso aki ta un ilegal di origen Venezolano. Di e cantidad di atraco a constata cu indice di atraco cu tabata 65 a baha na 34 y 13 di e sospechosonan ta di Venezuela.

E tendencia ey ta continua y den cuadro di esey a dicide cu ta bay intensifica control di KPA riba personanan cu si nan tin status legal of no.

Na 2018 Minister Bikker a re-institui pa KPA por controla personanan ilegal basa riba ley di admision y expulsion LTU y awor ta bay intensifica e control.

Los di esey ta bin cu e ESTA, e sistema Mericano y Minister Bikker a añadi un dimension nobo na dje cu t'e APIS (Advance Passenger Information System) y tambe PNR cu t'e Passenger Name Record.

Den e concept Landsbesluit cu a caba di finalisa, Minister Bikker a trece dilanti cu den e concepto tin algun punto interesante y uno di nan ta cu debi n'e situacion den nos region ta bay institui e sistema aki electronico y asina por dicide si ta bay otorga un cantidad limita di e ESTA pa por drenta Aruba.

Pa loke ta Visibility Team cu den e Gobierno anterior a dicide di no sigui cu ne, Minister Bikker a bisa cu ta bay re-institui e team aki. Mayoria di e atraconan ta riba joyeria y esey ta pone cu mester concentra riba medida di seguridad pa loke ta diferente establecimiento.

Minister Bikker ta haya cu mester conscientisa no solamente comercio, pero henter pueblo cu seguridad ta un responsabilidad comparti.

Den e caso pa loke ta trata joyerianan, a reuni cu nan conhuntamente cu AHATA pa wak kico ta e medidan cu nan mes a pone y unda por mehora esaki y evita cu un of mas persona por yega na e idea di bay purba comete atraco.

Den mesun conferencia di prensa Minister Bikker a informa cu a detene un persona cu a pretende cu tabatin un atraco, pero despues a resulta cu ta algo fingi. Esaki t'e caso cu a tuma lugar prome cu Pasco na Noord.

Tambe Minister Bikker a coregi locual a sali den prensa di e atraco na Ritz Carlton cu lo tabatin un of mas disparo, pero no tin ningun indicacion cu tabatin tiro, pasobra no a haya nada di esey y ni informacion di testigo cu tabatin tiramento den e joyeria.

Dialuna atardi ta drenta noticia di Polis cu a bin haya e arma den Saliña. Atraco Team hunto cu un Team di Polis a busca den e area pariba di Ritz Carlton en busca di e joyanan y e arma di candela.

E pistol cu a haya a keda confisca y entrega n'e team forensico pa por haci su investigacion. Cuerpo Policial ta pidi ken cu por a wak algo of sa algo yama tiplijn di Polis cu ta 11141.

Temporada di klapchi por general a bay bon, pero asina mes

Hopi klapchi a resta cu mester bay pa warda na Wela



Rubin Ponson, Mr. Klapchi, kende ta encarga pa haci e trabao di recibi y entrega di klapchi pa DOW. E trabounan a bolbe cuminsa awor cu aña a habri. Nan ta bezig cu e restante di klachi. Ta tumando e restante di klapchinan pa warda nan. Loke a resta mester bin Wela.

E aña aki, nan tabatin un situacion di container cu a yega laat y mester a pasa control, segun Rubin Ponson di DOW y Comision di Vuurwerk, pero asina mes a haci e trabao manera mester ta. Normalmente dia di entrega di restante di vuurwerk lo mester ta awe, dia 7, pero a dicidi di hal'e pa dia 8 y 9 di januari. Wela ta cla pa recibi e restante di klapchinan.

Durante control, diferente klapchi ilegal a ser tuma den beslag, y mester move esakinan pa warda esnan cu a keda, segun Rubin Ponson.

Rubin Ponson di DOW a splica cu diferente negoshi a tuma contacto cu Comision di Vuurwerk pa trece nan

restonan di klapchi. Aunke tin hopi klapchi cu a ser tira, tabatin hopi klapchi cu a keda sin bende, mas cu e añanan anterior.

Tur esaki ta duna nan indicacion cu tin hopi klapchi pa bay warda. Pero dianan 8 y 9 di januari ta habri Wela for di mainta tempran. Esun cu yega prome ta cuminsa warda su klapchinan. Esun cu no entrega su klapchinan lo tin control durante cualkier momento di aña. Si haya klapchi scondi e tin consecuencia pa nan, sea por haya boet y no mag importa mas ni bende..

E aña aki tambe Comision di Vuurwerk a haya cierto iregularidad durante e control. E comision a actua pa diferente motibo p'asina garantiza seguridad. A haya tambe un localidad ta bende klapchi sin permiso y banda di pomp di gasolin. Varios localidad a ser sera, pasobra nan no tabata cumpli cu e reglanan stipula. Rubin Ponson a splica cu ya caba e preparacion ta ser haci pa evita cu importacion pa fin di 2020, ta laat atrobe.

Maske a firma un CAO recientemente

Sindicato ABV kier negocia pago di indexering

Cu t'e unico aumento cu e trahadornan den cuido medico ta haya



Gina Maduro, Presidente di ABV a duna cu durante negociacion pa un CAO cu Hospital, no a negocia mes aumento di salario, pero unicamente mehoracion di benefician secundario. Pero primario ta keda salario. Pesey ABV a dicidi cu p'e aña aki mirando cu Gobierno mes ta admiti cu tin un inflacion di 4.1% y for di dia 1 di januari ultimo salario minimo lo subi cu 3%.

Esey ta nifica pa loke t'e trahadornan di HOH, IMSAN, Banco di Sanger, SABA y na tur Cas di Anciano, segun Gina Maduro, ABV lo para duro pa haya 3% na indexering den nan salario. Esaki ta necesario, pasobra e ultimo indexering cu nan a haya tabata na aña 2013, unda e trahadornan a haya 85 florin, y esey tabata

7 aña pasa. Mientras e poder di compra a bay atras, pesey lo para duro pa cu 3%.

Gina Maduro a pidi AZV pa pone e fondonan disponible, hasta extra fondo p'e cuidadornan di cuidu medico, haya un trato di 5 strea.

Ultimo aña no a haya ahustacion pasobra no tabatin inflacion, pero deflacion. Hopi di e trahadornan aki a yega nan top caba. E unico aumento cu e trahadornan aki ta haya, ta ora cu paga indexering.

Y awor cu nan mester bay traha mas aña, esta te cu 65 prome di baha cu pensioen, nan merece e indexering aki, segun Presidente di ABV.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox

Aña 2020 ta musta di bira aña di desempleo

PROME cu cambio di aña, tin un preocupacion grandi bao di e clase trahador, ora cu a tuma nota di e cantidad di trahador cu ta kedando sin trabao.

Asina por mira cu ainda ta pendiente e caso di trahadornan na CITGO, cual compania ya a anuncia di lo stop su operacion fin di e luna aki. Ta papia aki di tur un 70 trahador lo perde nan trabao n'e terminal, sin conta e trahadornan cu ta trahando cu algun contratista den e refineria.

Otro grupo grandi cu a perde trabao, ta di Certified Mega Store, cu a ser declara bancarota. Un supermercado cu un tempo tabata bende masha hopi mes, y tabata un mayorista. Aña nobo, t'e trahadornan di Kong Hing Supermarket, banda di Certified Mega Store, cu lo keda sin pan riba nan mesa. E trahadornan cu a yega trabou despues cu aña nobo a cuminsa y ta haya e supermercado cera. Tur e perde trabou y awor gerencia ta bayendo pa pidi bancarota di Kong Hing.

Na Kong Hing tin varios trahador cu a keda leal pa hopi aña. Manera Ramiro Dubero ta un chef slager y tabata encarga cu e carniceria pa 17 aña na Kong Hing.

Imelda Kock ta traha for di 1998 na Kong Hing den e seccion di berdura. Imelda Kock a duna di conoce cu el a mira con e situacion tabata bayendo atras. Tin coleganan cu si lo haya nan mes den mas problema...

Sila Navas tin casi 21 aña trahando na Kong Hing como telefonista, accounting y tambe handle asunto personal.

El a splica cu loke nan a pasa aden ta hopi tristo pa hopi hende. Hopi no a spera, pero a cuminsa mira hopi movicion cu tabata duna indicacion cu e ta bin.

Milouka Hoek tin basta aña ta trahando 22 aña na Kong Hing den e seccion di Deli. Dia 31 di december ultimom ainda el a traha y merdia el a haya un carta cu tabata un baño di awa frieu pa nan tur. Nan a yega di conoce problema cu pago caba cu tabata drenta laat...

A papia cu Simeon Thiel, kende t'e empleado cu tin 53 aña trahando cu Kong Hing. For di tempo cu Kong Hing a habri den un lugar masha chiquito den Havenstraat. El a crece cu Kong Hing.

Trinidad Camilo Santos ta Chef Packer y tin como 13 aña trahando. El a splica cu dia 31 di december berdad a haya carta. El a yega trabou ora aña a habri y e supermercado ta cera. Awor nan ta sin trabou y sin speransa cu debe pa paga.

Y asina tin mas negoshi cu ta serando nan porta, pa cual por bisa cu desempleo ta birando grandi na Aruba, pasobra trabao di inmediato nan no tin.

Ta Busca

CLEANER POSITION AVAILABLE

Requirements:

- Must speak English
- Two people working together to get job done quickly.
- Thorough cleaning, including cleaning fridge, toaster, oven, BBQ grill, changing sheets, ironing, sweeping garden, cleaning outdoor furniture, dusting, wiping down doors and windows inside, out etc.
- Start immediately. Till 8 January cleaning Monday, Wednesday, Friday. Total hours 1.5 hours x 2 Starting at 8am.
- Starting at 10am, after 8 January, weekly clean. About 4 hours x 2 for thorough clean. Clean all drawers, check plates, cutlery and make sure all is clean and all plates etc. are there and nothing broken. If no guest, cleaning is only total of 1.5 hours x 2.
- Honest and hardworking.
- Must be professional.
- Must be flexible and available.



Contact Information:
 Email: azzoster@gmail.com
 Whatsapp : +447713160178
 Call: +297 7455035

AWE **MINI MEGA** **MEGA PLUS**

Awo cu 2 florin mas, bo por gana e **MEGA PLUS**

* Afl. **420.000,-**

* Afl. 320.000,- + Afl. 100.000,-
extra

f
t
i
y

lotto

Pa celebra e di 5 aña cu Show na Alhambra Ballroom

Guy Bavli cu anuncio sorpresa pa tur esnan cu ta biba na Aruba




E compania Divi Resorts na Aruba ta hopi orguyo pa por presenta e talentoso Guy Bavli “Master of the Mind” den su prestigioso Alhambra Ballroom. E aña aki Guy Bavli ta celebra e hecho cu pa 5 aña consecutivo tin show tur siman riba dianan diamars & diarason.

Pa celebra e logro aki gerencia a duna un conferencia di prensa cu a tuma lugar na Fusion Restaurant Wine & Piano Bar pa anuncia e show nobo pa 2020. Tambe na mes momento anuncia den forma di sorpresa cu Guy lo duna un show completamente gratis dia 17 di January p’asina duna esnan cu ta biba na Aruba e oportunidad pa mira e show unico di nivel internacional.

Pa reserva bo ticket completamente gratis registra riba e link: guybavli.eventbrite.com

Pone e code: ARUBAFREE

Ta bon pa menciona cu e conferencia di prensa aki tabata un momento oportuno pa por haci un brindis cu prensa y tur esnan invita p’e aña nobo, pa duna danki n’e apoyo recibí durante e aña cu a pasa tambe.



Guy Bavli a wordo mira den mas cu 500 shows na television, el a presenta den mas di 60 pais rond mundo como e show principal den varios evento na nivel mundial, incluyendo mas di 1200 show na Caesars Palace na Las Vegas.

Recien Guy Bavli a wordo nombra “Super Human” pa History Channel TV Show “Stan Lee’s Super Human” y el a ricibi e prestigioso Dunnignger Award di Psychic Entertainers Association. E reconocimiento aki por wordo compara manera ricibi un “Oscar” den e tereno di entretenimento psychico.

E show di Guy Bavli ta un experiencia interactivo yena cu misterio, humor y podernan scondi cu por wordo mira na Ballroom di Alhambra – dia 17 January pa 8pm den un show completamente gratis pa pueblo di Aruba.

Gerencia di Divi Resorts, Alhambra Ballroom, Fusion Restaurant hunto cu Guy Bavli kier desea e pueblo di Aruba completo un Bon Aña 2020 yena cu salud.

P'e categorianan Infantil, Pre-Teen, Hubenil y Grandi:

Inscripcion pa Reina di Scol Aruba 2020 ta habri!

E mecha di Carnaval 2020 a sende y inscripcion pa eleccion pa Reina di tur scol tambe ta habri! Comision Reina di Scol Aruba ta invita tur scol pa manda un of mas representante den e diferente categorianan di eleccion. E reglanan ta simple:

1. Edad pa candidatanan cu por participa n'e eleccion Reina di Scol Aruba 2020:

Reina Infantil mester tin 6 aña 1 di januari 2020 y no mag di cumpli 10 prome cu 1 di april 2020

Reina Pre-Teen mester tin 10 aña 1 di januari 2020 y no mag di cumpli 13 prome cu 1 di april 2020.

Reina Hubenil mester tin 13 aña 1 di januari 2020 y no mag di cumpli 17 prome cu 1 di april 2020.

Reina Grandi mester tin 17 aña 1 januari 2020 y no mag di cumpli 25 aña prome cu 1 di april 2020.

2. E candidata mester ta un estudiante y scol mester duna permiso n'e estudiante pa por representa e scol.

3. Candidata por tin otro nacionalidad cu no ta Hulandes.

4. Candidata mester ta naci femenino.

5. E candidata mester manda 1 potret digital y e logo di scol digital na reinadiscol@gmail.com ora di inscribi.

6. Inscripcion ta sera dia 17 di januari 2020 pa 6:00 pm.

7. Dia 17 di januari 2020, 7:00 pm lo tin reunion pa tur categoria. Localidad lo wordo anuncia despues.

8. Dia di eleccion candidata mester ta na e lugar di e eleccion un ora prome cu eleccion cuminsa.

9. Candidata mester tin p'e dia di eleccion;

a. Grabacion di musica pa presentacion nr.

2 (speech/show den costume) y nr. 3 (show den trahe di gala). Pa nr. 2 no tin obligacion.

b. Un speech di minimo 1 minuut y maximo 2 minuut. Speech mester contene un mensahe educativo y mester tin idioma Papiamento aden.

c. Un headpiece Carnavalesco: Headpiece mester representa un scol moderno. Mag di traha armband tambe. E headpiece y arbandnan mester wordo bisti cu uniform di scol (poloshirt of shirt di scol hunto cu un jeans (cortico of largo) / saya di jeans cu keds. Candidatanan pa Reina Grandi mag di bisti sapato di hilchi.

d. E headpiece Carnavalesco no mag di tin pluma ni stenchi.

e. Un trahe di gala/gala Canavalesco (reina infantil, pre-teen y hubenil mester ta un cocktail dress



riba rudia. Pa Reina grandi e shimis mester ta largo)

f. Riba e trahe di gala/gala Carnavalesco no mag di usa stenchi.

g. Un grupo cu lo acompaña durante su presentacion den trahe di gala cual no por surpasa e cantidad di 6, cual presentacion mester ta entre 6 pa 8 minuut incluyendo e presentacion di e candidata. E acompanjantenan/bailadornan mester bisti uniform (shirt/poloshirt) di nan scol, pero mag di haci uso di props den man durante e show. No mag di dorna e uniform di scol.

10 Ta prohibi pa: a. Uza fireworks, pyro, awa, candela of talco/puiro; b. Animal bibo (e puntunan aki ta conta pa tanto riba escenario como den publico);

c. Uza obheto peligroso p.e. background cu ta baha di laira, subi di abou of di banda etc.

d. Uza obheto riba escenario; e. Uza cancion cu expresion vulgar durante presentacion;

f. Mishi cu prodiedad di otro. (violacion di un of mas di e reglanan aki lo perde punto.)

- No ta permiti pa trece blaas, DJ, sound system, brass band, banner/spandoek, noisemakers of poster mas grandi cu size di un A-4 pa apoya.

- No ta perminti pa haci uzo di NINGUN efecto adicional y NINGUN otro compania ta permiti pa pone nada extra riba e escenario pa cu e eleccion.

Pa cada categoria lo eligi: 2nd runner-up, 1st runner-up y e Reina.

Reina cu keda eligi mag di bay competi na eleccion di Aruba su Carnaval 2021, pero no ta obligatorio. Esaki lo mester sosode riba propio costo.

Di victima pa sospechoso y ayera detenido den caso di supuesto atraco na Bubali



VOCERO di Polis, Lito Lacle a informa cu ayera Recherche di Noord a efectua detencion den e caso di atraco di dia 23 di december ultimo den Bubali. Recherche distrito Noord

Ayera enconexion cu un investigación andando di un supuesto atraco cometi riba un señora na Washington dia 23 december ultimo. E mesun dia Recherche di Noord a detene e señora mirando cu su historia no tabata cuadra y ayera a bay over na detene C.C.R.R. di 26 aña.

Den prome instancia el a ser huzga como victima, despues a bira sospechoso y ayera a bira detenido.

Pa Cuerpo Policial por resolve mas caso cooperacion di pueblo di Aruba ta hopi importante pesey nos ta pidi si bo tin cualquier informacion yama nos tiplijn: 11141.

Time Out

Awe Jerry Franca, Presidente di ASU ta bay relata pa nos kico di spera e aña aki den deporte. Hopi interesante. No perde!!!




Colegio San Augustin a haya charla tocante seguridad na scol di parti di KPA

CUERPO di docente di Colegio San Augustin a ricibi un charla tocante seguridad na scol. Colegio San Augustin ta pone hopi atencion n'e aspecto aki p'asina garantisa cu tanto mucha como docentenan por sinti nan mes sigur na scol. Durante e charla varios aspecto di seguridad a bin dilanti y a splica kico tur t'e señalnan cu mester tene cuenta cun'e. Directiva y docentenan di Colegio San Augustin kier a gradici Lito Lacle y Liliana Rasmijn di KPA pa nan cooperacion pa duna e charla aki.



Accidente cu basta daño material riba cruzada Emmastraat cu Prof. Lorentzstraat



DIADOMINGO atardi pa mas o menos 4:50 informacion a drenta di un accidente cu hende herida riba e cruzada di Emmastraat cu Prof. Lorentzstraat. Na yegada di Polis a constata cu no tabatin ningun persona herida y cu ta solamente daño material.

N'e sitio nan a topa cu un Toyota Tercel y Nissan Fuga. N'e sitio a compronde cu e Nissan Fuga tabata bayendo direccion zuid riba Emmastraat.

Yegando e cruzada e no a para y a dal e Tercel cu tabata bayendo direccion pabou den banda di pasahero.

Takelwagen mester a presenta pa move e Nissan Fuga for di caminda.

Aruba Excellence Foundation ta entrega regalo di aprecio



ARUBA Excellence Foundation (A.E.F.) a haci entrega di un regalo di aprecio na esnan cu a colabora e aña pasa cu e tres kids camp 'Turista riba mi isla'. Ta trata di 20 boluntario y tambe e staff di Casa Del Mar, Matthew's Beachside Restaurant, Aruba Aloe, Fundacion Parke Nacional Arikok, Aruba Ports Authority y The Ritz Carlton cu a colabora como partner di nos Kids Camp Turista riba mi isla, tanto na July y na October 2019.

E meta di e camp ta pa e mucha nan cu a participa siña mas di Aruba su historia, cultura, turismo y con pa brinda servicio excelente cu 'Zjeito. Tur dia nos tabata bishita varios establecimiento y den un forma interactivo tabata splica e mucha nan e importancia di conoce nos dushi isla. Na final di e camp cada mucha a wordo certifica como un mini embahador di Aruba.

A.E.F. ta gradici un y tur cu a yuda y ta spera di por conta cu nan aporte pa otro aña durante e kids camp di 2020. Danki tur persona su aporte y sosten cu e proyecto a resulta exitoso.

Aruba Excellence Foundation a wordo institui door di Aruba Tourism Authority na Juni 2018 y ta e fundacion encarga pa entre otro ehecuta e Aruba Certification Program (A.C.P.) como tambe e programa di Happy Information Officers (H.I.O.).

Meta principal di e fundacion ta pa sigi desaroya y implementa A.C.P. y H.I.O. como tambe otro programanan specialmente diseña pa certifica personanan cu ta traha den sector di servicio y hospitalidad p'asina percua cu e nivel di servicio excelente di Aruba ya bon conoci, por keda riba un nivel halto.

Noticia di atraco tabata falso

PA 10.35 ayera mainta a drenta via Centrale Post cu un atraco lo a tuma riba un señora grandi banda Rooi Manonchi.

A resulta cu e señora aki ya na varios ocasion a duna keho di atraco caba cu a resulta cu no tabata berdad. Den e caso di ayera a resulta mescos. Dus cu otro palabra no tabatin un atraco.

Despues cu autoridad a yega n'e oficina caminda e victima di atraco lo tabata sinta.

Nan a papia cu e victima y a bin compronde cu no tabatin un atraco, pero cu ta post traumatic stress disorder, posibelmente relaciona cu e otro dos atraconan den cual e señora aki a bira victima di nan, un tabata na altura di RBC y e otro banda di La Fama.

E señora di edad, posibelmente lo a keda cu un trauma. Un persona cu sa haci'e favor a comenta cu e dos atraconan anterior lo por afecte, mirando cu e ta bisando algo cu segun autoridad no ta cuadra cu e berdad.

E paramediconan n'e sitio a bisa e señora cu e mester bay cerca su dokter di cas. Manera cu a bin sali na cla cu no tabatin atraco, Polis, paramediconan y slachtofferhulp a bandona e sitio.



Royal Aurora

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23
Cu dolor na nos curason,
nos ta anuncia fayecimento di nos ser keri:



Sr. Jacinto Tromp

Mihor conoci como "Casin"
*11-09-1935 - †04-01-2020

Acto di despedida lo wordo anuncia despues

Royal Aurora

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibaminaawatrankil,
Pa mi bolbehañafora".
Salmo: 23

Conforme cu boluntad di Dios,
nos ta anuncia fayecimento di:



Edwigis Saidita Victoria

*17-10-1946 - †01-01-2020

Acto di entierio lo wordo anuncia despues.

Royal Aurora

Funeral Home & Crematory

Mi ta stima Señor. E ta scucha mi suplicanan. E'la paga
atencion, cada bez cu mi a invoc'E. Señor ta clemente y
fiel, nos Dios, yen di compassion. Señor ta warda esnan
cu ta debil. Mi tawata morto cansa, pero E'la salba mi.
Awor mi ta calmo atrobe. Señor tawata bon pami.
Salmo 116

Cu dolor na nos curason pero conforme cu boluntad di Dios
nos ta anuncia fayecimento cristianamente di:



Marcelo Maduro

Mihor conoci como "Pedro"
Ex- trahador di Volksgezondheidsdienst / Ambulance
Acto di entierio lo wordo anuncia despues

Corte a dicta cu
**Hende ta sigura
contra accidente
foi ora e sali cas
pa bay trabou**



STATEN VAN ARUBA

Cu honda pena Parlamento di Aruba a tuma nota di fayecimento di:



Sra. Daisy Werleman-Donato

na bida esposa di sr. Marlon Werleman
Ex-Presidente di Parlamento

Parlamento ta desea sr. Marlon Werleman
demas famia hopi forza den e momentonan defencil aki.

Cu sra. Daisy sosega na paz.

Den number di Parlamento, Staf y Personal di Griffie.

Plv. Griffier,
drs. J.I. Williams

Vice-Presidente,
A. A. Howell

WILLEMSTAD. Corte comun di Husticia a dicta resientemente cu for di momento cu un persona cu ta traha y ta sigura na SVB, sera porta di cas su tras pa bay trabou, e ta sigura.

No nesesariamente e mester a sufri e accidente na trabou pa SVB cubri e gastonan.

Ta trata di un caso cu a sosode tres aña pasa caminda un señora a Sali mainta for di cas pa bay trabou pero ora ela hala porta sera, ela cai y a sufri un accidente.

Den prome instancia SVB no considera cu tabata un accidente bo di ora di trabou pe cai bou di Seguro contra Accidente y ora ela apela wes a duna SVB rason y a rechasa apelacion dje cliente.

Revisando kico ta e regla den caso di un persona cu sufri un accidente ora e ta bay cas despues di trabou of bayendo tabacu despues di Sali cas, e señora ta cai bou di seguro contra accidente.

E caso ta cu dia 31 di october 2016 e señora a Sali for di cas pa bay trabou y ora ela sera porta di cas ela slip ki y a sufri lecion.

Corte a dicta cu un accidente asina ta un accidente di trabou pasobra su salimento for di cas tabata relacion cu su trabou y ta cai bou di seguro.

Si ta despues di ora di trabou e trahado a sufri un accidente, no ta un accidente di trabou.

E situacion a bira uno caminda wes mester a dicide ki ora e señora no ta cai bo di seguro conta accidente of laga.

Sin mas aclaracion e tribunal a dicide cu e apelacion dje señora ta valido y a anula e prome desicion di SVB y pa paga e señora denter di cuater siman.

Esey ta nifica cu e señora ta haña sen pe periodo cu e tabata sigura y cu SVB a perde e caso y tin cu paga gastonan di abogado dje señora.

Rest in Peace

Royal Aurora Funeral Home & Crematory

Lagrima y flornan por seca su recuerdonan y tur loke e la hasi y significa pa nos lo keda graba pasemper den nos mente y curason.

"Cerca Dios mi alma tana paz,
ta di dj'E mi salbaciontabini"

Salmo 62:1

Tristo, pero agredecidona nos Dios,
pa tur locual el a significá pa nos,
nos ta anuncia fayecimento inespera di:



Gregorio Martin Kelly

Mihor conoci como Goi

Cu un bunita edad di 78 aña

17 November 1941- † 02 January 2020

Nanomber si su estimada esposa:

Ysabel "Anna" Kelly-Germosen.

Yiunan:

Florentino "Tino" Kelly y Mirella Kelly y Famia.

Elvis Kelly.

†Nereida "Dedi" Kelly.

Criselda Pinto-Kelly y Ruben Pinto y Famia.

Gregory Kelly.

Frank "Moreno" Zimmerman y Famia.

Vicky "Joseline" Olijve-Zimmerman y Rene Olijve y Famia.

Araselis "Nini" Zimmerman y Famia.

†Gregory "Manolo" Kelly y Famia.

Nathalie Reyes y Earvy Valport y Famia.

Samantha Reyes.

Mescosun Yiu Stima: Miguelangel Kelly-Güerere.

Nietonan y Nietanan: Michella, Janella, Melony, Cheryl,

Geert, Nouara, Ayman, Michael, Leeanne, Roxanne,

Tuni, Djamairo, Ensio, Lyon, Quinten, Sui, Spencer

Rumannan: †Petra Kelly y Famia.

†Elizabeth "Bertha" Figaroa-Kelly y †Felipe Figaroa y Famia.

†Magdalena "Dai" Kock-Kelly y †Mario Kock y Famia.

†Imelda "Medan" Tromp-Kelly y †Francisco Tromp y Famia.

Maria Velasquez-Kelly y Arcadio Velasquez y Famia.

Carmen "chichi" Tromp-Kelly y †Mauricio Tromp y Famia.

†Tomas Kelly.

Su sobrino(a)nan: Eti, Frans, Yvon, Edwin, Jeta, Nelly,

Angela, Chemi, Beto, Helena, Ramona, Tochi, Jolanda,

Mario, Rafael, Swinda, Nella, Marciano, Wica, Miriam,

Roque, Juni, Linda, Emily, Sharon, Maurits.

Swa y Cuñanan Y demas Sobrino(a)nan, primo(a)nan,

comer y comper, iha(nan) Su Conocirnan

Amigo(a)nan serca di cas, su bisiañanan.

Famiananna Hulanda, Republica Dominicana, Belgica,

St. Croix, España, U.S.A.

Su Ayudante: Carolina Bracho.

Demas famianan: Kelly, Germosen, Solognier,

Zimmerman, Olijve, Reyes, Valport, Blokzijl, Pinto,

Tromp, Kock, Velasquez, Hermosen, Figaroa, De Mey,

Boekhoudt, Erasmus, Jacobs, Geerman, Quandus,

Amaya, Petronella, Semeleer, Güerere, Ishmael, Soto,

Mathilda.

Kier invita un y tur pa asistina respons y despedida di

nos defunto stima "Goi" Diabierna 10 Januari di 9:00am

pa 11:00am Na Royal Funeral Home, oportunidad pa

condolencia lo tuma lugar dia 9 di January na Royal

Funeral Home di 7:00pm pa 9:00pm. Cremacion lo tuma

lugar despues den seno familiar.

Nos ta lamenta cudespues di entierro nos no taricibi-

bishita di condolencia nacas y Si en caso den nos

tristeza nos por a lubida algun persona offamia, nos ta

pidi nos mas sincero disculpa.

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.

E ta hibami na awa tranquil,

Pa mi bolbe haña forsa".

Salmo: 23

Conforme cu boluntad di Dios,

nos ta anuncia fayecimento di:

Silo Urbain Tromp



*20-12-1940 - †30-12-2019

Den nomber di su:

Esposa: Elda Filomena Tromp- Kock

Yiunan: Alonso (Ali) Tromp y Caroline Cardose,

Alvin (Buty) Tromp y Ana Maria Oduber,

Amerrey Tromp y Marc Anthony Giel

Mescos Yiu: Joanne y Willem

Nietanan: Stephanie, Naomy y Chris, Amanda, Ceanna

Mescos Nieta: Shanee

Bisa-nieta: Alayna

Mayornan: †Baldomera (Meme) Tromp y †Isreal Falcon

Rumannan: Sebastian (Toco) Falcon-Tromp

†Juan Tromp

Candito Tromp y Rosa Valentina Yanues

†Andres Tromp

Hortencia Tromp

Yvonne y Angel Zambrano-Tromp

Sobrino(a)nan: Joslin, Jahaira, Esmie, Jaromir (Roro),

Romar, David, Katinka, Laurens, Guaranis, Derric, Ivan, y Naftaly.

Swa y cuñanan: Chito, Ronnie, Enfi, y Rina

Suegro(a): †Barbara Kock y †Plasido Kock

Ihanan: Tico Danies, Robert Alberts, Roland Luidens, Victor

Paula, Junior Victor Hendrik Calmes

Tio: Theodor Falcon y esposa Hilda,

Tionan di respet: Rosendo, Frank, Mingo, y †Nicky Tromp

Primo hermanonan: Fidel, Morris, Jesus Gomez

Primo(a)nan:

Jolanda, Vivian, Ethleen, Mayra, Robert, Omar, Hubert,

Primo(a)nan di respet: Tasha, Debby, Kenny, Gino,

Carina, Christy, Byron, Darinka, Yselle, Nadya, Delno, Gonda,

Sunette

Amigo(a)nan di cas:

†Alfredo (Chepa) Lambertus, †Antonio Benito (Tony) Matos,

Dilania y Stanley, Elvira y Anchi, Olga, Alicia, Mayra, Judith,

Dita, Segunda, Andrea, Mena, Rica Giel, Beatrice

Dijkhoff, Adrianus Maduro, Jeffrey y Carina Rojer, Chaty Kelly,

Glenn Rock, Anthony (Spirito), Elmer Themen, Rodney

Rodriguez, Robert y Oswald (Mouse) Quandus, Dito Acosta,

Richene Kock, Roque Maduro, Capi Malmberg, Eddy Campos,

Reagen Petronia, Wachi Geerman, Anthony Danja, Alicia

Victorina, Zeick Larmonie, Sofia y Raul, John Maduro, Juancho

Krozendijk, Ermely Lopez y tur Bisiña y conosirnan

Demas famia y conocirnan:

Tromp, Falcon, Kock, Scharbay, Jacobs, Martis, Werleman,

Koolman, Weston, Schrijer, Richardson, Goede, Granadillo,

Geerman, Romero, Franken, Donata, Hoevertsz, Ruiz, Giel,

Henriche, Maduro, Lambertus, Matos, Cardose, Dijkhoff, Giel,

Kelly, Wong, Desir, Lacle, Oduber, Rock, Acosta, Petronia, De

Graaf, Rojer, Thode, Snijder, Danies, Luidens, Britten, Lampe,

Trimon, Falconi, Paula y demas famia na Hulanda y Venezuela.

Nos disculpa si pa cualkier motibo a lubida algun famia y

conocirnan den momento difisil cu e perdida inespera di nos

ser keru

Oportunidad pa condolencia: Aurora Funeral Home, diaranson

8 di januari 2020 di 7'or pa 9'or di anochi

Ta invita pa e acto di entierro cu lo tuma lugar diahuebs 9 di

januari 2020 di 2'or pa 4'or di atardi na Aurora Funeral Home,

despues saliendo pa Santana central na Sabana Basora

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.

E ta hibami na awa tranquil,

Pa mi bolbe haña forsa".

Salmo: 23

Conforme cu boluntad di Dios, nos ta participa
fayecimento di nos querido tata, welo, bisawelo,
ruman, omo, primo, suegro y amigo stima.



Antonio Miguel Thijsen

Mihor conoci como: "Tony"

*05-07-1938 - †25-12-2019

Na nomber di su:

Yiunan:

Emma & David Crawford-Thijsen

Mike & Mireya Thijsen-Webb

Cesar Thijsen

Nieto(a)nan:

Elena Jacob

William Crawford

Emma Crawford

Wensley Thijsen

Mishall Thijsen

Abimaela Thijsen

Izamar van der Linden

Bisanieto(a)nan:

Jonishma Croes

Shelomiyth Alberto

Ex casa:

Prisca Angela (Cis)

Rumannan:

Cleana Pietersz-Thijsen (tanta Annie)

Subrino(a)nan, primo(a)nan, bisañanan

Demas famianan na Aruba, Hulanda y USA:

Thijsen, Geerman, de Cuba, Henriquez,

Ras, Duijm, van der Linden, Kock,

Robles de Medina, Christiaans,

Fernandes Pedra, De Kort, Paskel,

Kaersenhout, Bislik, Oduber, Arends,

Angela, Marin, Refunjol, de Cuba, d

e Freijtas, Soemers, Wathey.

Nos ta pidi nos disculpa si den nos tristesa nos por a

lubida algun famia.

Acto di entierro lo tuma lugar diamars 7 di januari 2020.

For di 2 pm pa 4 pm nos defundo stima lo ta reposa

den misa Sagrado Corazon na Savaneta y saliendo

despues pa santana catholico na Savaneta.

Nos ta lamenta cu despues di entierro no por ricibi

bishita di condolencia

Hoben di 17 aña a tira hende mata

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Conforme cu boluntad di Dios, nos ta anuncia
fayecimento di:



Cecilia Brice

*27-12-1929 - †27-12-2019

Na nomber di su yui:
Roseline Georges

Nieto:
Edwin Georges

Bisnieto:
Amir

Rumannan: Merita Brignol (Haiti)
Christianne Brice (Aruba)
Hilda Brice (Washington)
Linice Brice (Haiti)
Marie Ange Brice (Haiti)
Yolanda Brice (Washington)
Mont Louis Brice (Aruba)

Subrino y Sobrinanan na Aruba:
Micheline Brice y famia
Jorel montilme y famia
Jean Gary Brice y famia
Edna Montilme y famia
Marieclaude Damis y famia
Nancy Brice y famia
Rene Damiste y famia (USA), Claude Damiste y famia
(USA), Jean Marie Damiste (USA)
Yeanick Brice y famia (USA), Margarete Brice y famia
(USA), Charline Brice y famia (USA), Jean Willio Chacha
y famia (USA), Marie Launcy Chacha (USA), Paul
Havena Brice y famia (USA), Guirline Brice y famia
(Haiti), Matha Brice (Haiti)

Iha: Daniel y Elyse

Amiga (o)nan, Bisiñanan:
Marie Florence y famia
Patrick y famia
Lilian Kingsale

Primo y primanan, amigo y amiganan y demas famia:
Georges, Brice, Merveille, Damis, Damiste, Arends,
Jean Baptiste, Kingsale

Ta invita pa asisti na acto di cremashon diamars 7
januari 2020 for di 2'or pa 4'or di atardi na Aurora
Funeral Home.

Oportunidad pa condolencia lo ta dialuna 6 januari
2020 for di 7'or pa 9'or di anochi na Aurora Funeral
Home.

Royal Aurora Funeral Home & Crematory

Gradicimento / Invitacion

Pa medio di esaki famia di Eduvigis Zschuschen-Victoria
kier gradici tur bisiñanan, amistadnan, conocrinan cu a
tuma tempo pa bishita nos na despedida di nos mama,
oma, tanta:



Eduvigis M. Zschuschen-Victoria

Hopi danki y bendishon pa un y tur tambe un danki
grandi na "Huize Maristela" pa nan cuido excelente y
Aurora Funeral Home cu a duna nos un servicio total.
Alabez nos kier invita pa 3 Santo Sacrificio di misa pa
descanso di su alma na Misa Sagrado Curason na
Savaneta:


Diahuebs 9 di januari 2020 pa 7'or di anochi
Diabierna 10 di januari 2020 pa 7'or di anochi
Diasabra 11 di januari 2020 pa 7'or di anochi
Despues di ultimo misa lo tin 1 Rosario na cas Savaneta
266C

Bo(so) presencia lo ta altamente aprecia

Royal Aurora Funeral Home & Crematory

In Life We Loved You Dearly,
Now That You Are Gone We Love You Still.
In Our Hearts You Hold A Place, No One Else Will Ever
Fill.

Cu profundo tristeza den nos curazon nos ta anuncia
fayecimento di:



Alyssa Tesianna Kuiperi

Mihor conoci come: Yssha, Ali, Mosa Mosa
*12-09-2008 +03-01-2020

Acto di despedida lo wordo anuncia despues



WILLEMSTAD. Corsou a registra su prome asesinato y prome atentado cu granada riba cas di hende. E atentado cu granada a sosode den Domi Abou y e asesinato a sosode na un centro di diberticion ora cu den marduga ora cu un hoben di 17 aña a tira un homber mata.

E victima tabata Centjie Bernardus y polis a haña e victimario den un apartamento den Caya Basora Preto caminda a bin haña e culpabel.

E tabata leciona y a hibe hospital caminda ela confesa tur cos. Ta un hoben di 17 aña di origen Dominicano.

Royal Aurora Funeral Home & Crematory

Señor ta mi wardador, pues mi n' tin falta di nada
Salmo 23:1

A bai sosega den brasa di Señor:



Regina Boekhoudt

mihor conosi como "Ina"
*07-09-1939 - †01-01-2020

Acto di entierio lo wordo anuncia despues



Royal
Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Conforme cu boluntad di Dios, nos ta anuncia
fayecimento di:



Ibis Virginia Dorotaal-Everts

*21-11-1935 - †02-01-2020

Acto di entiero lo wordo anuncia despues.

Royal
Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu dolor na nos curason,
nos ta anuncia fayecimento di nos ser kerí:



Sr. Angel Werleman


Mihor conoci como "Boei pata laria"
*02-10-1935 - †24-12-2019

Acto di entiero lo wordo anuncia despues

Royal
Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Nos ta anuncia fayecimento di:



Sr. Estanislao Nadal

Mihor conoci como
"Laito"

*13-11-1926 – † 30-12-2019

Na number di su:

Casa: Sra. Aide Nadal-Fondeur

Yiunan: Cristiana Nadal y Renny Rojas Reyes

Marisol Nadal y Imad Fath Allah

Susy Nadal y Johnny Kock

† Miriam Vrolijk-Nadal

Jorge Nadal

Nietonan: Angelle de Jesus y Enrique Tromp, Richenel Lioe-Tjam, Darrell Agunbero, Kiana Lioe-Tjam, Xianté Mohamed, Russell Toro, Kaitlin Rojas Reyes, Oscar Toro, Sandra Vrolijk

Bisnietonan: Shawn Jansen, Shandrey Vrolijk

Su Rumanan: Benita Modderman y famia, Lourdes van der Vet y famia, Miguel Nadall y famia, Silvia Donk y famia, Silvio Nadall y famia, George Nadall y famia, Victor (Beatle) Nadall y famia, Jose Nadall y famia, Armando Martinez y famia

Bisiñanan/ compernan: Estrelita Ruiz y famia, Segundo Scharbaay y famia,

Ricardo Luydens y famia, Fichi y Violeta Lacle y famia, Ruben y Gwendy Zambrano y famia, Juanita Lacle y famia

Su bon amigo: Michael (Maicky) Herry y famia

Su sobrino(a)nan, su tanta y omo y demas famia na Aruba, Hulanda, Cuba y Republica Dominicana.

Demas famia: Nadall, Fondeur, Peterson, Velasquez, Payano, Bislip, Kelly, de Hasseth, Kock, Richardson.

Ta invita pa acto di entiero cual o tuma lugar na Misa Inmaculada Concepcion na Sta Cruz diahuebs 9 di januari 2020 di 9'or pa 11'or di mainta. Despues lo sali pa Santana Central Sabana Basora.

Disculpa nos si den nos tristesa nos por a lubida algun famia of conócir.

Despues di entiero no tin bishita di condolencia na cas.

Royal
Aurora
Funeral Home & Crematory

Awor mi ta tranquil, Awor mino tin dolor, Awor mi no tin sufrimento, Awor mi tin legria y amor, Awor mi ta napaz. Den brasa di mi Dios mi ta drumi, manera e princess yiu di e Rey.

Cu un dolor profundo y tristeza grandi ta
anunciafayecimento di



Sra. Daisy Raquelita Werleman-Donato

Na edad di 50 aña.

Na number di su mama: Juliana Vrolijk

Tata Fransisco Donato

Esposo: Marlon Werleman

Yiunan: Tyara y Philip Merryweather-Werleman
Sean Werleman

Mescos cu Yiunan: Bjorn Werleman

Byron Werleman y Milagros Yarasca
Marc Werleman

Nietonan: John-Philip y Adam Merryweather

Mescos cu Nieto/anon: Dastan, Leah yKeyden

Padastro: Estevan de Cuba

Suegro y suegra: Otilio y Juana Lacle-Werleman

Rumannan: Efrain'Frenk' Donato y Famia

Juan 'Jani' Donato y famia

Leo Donato y Famia

Guillermi 'Mito' Donato y Famia

Violeta 'Leta' Vrolijk- Donato y Famia

Valeriano 'Vale' Donato y Famia

Casilda 'Silda' Donato y Famia

Mirna Donato

Swa y cuñanan, Tanta- y omonan, primo- y primanan, sobrino- y sobrinanan, ihanan, Bisiñanan, amistadnan y famia Donato, Werleman, Merryweather, Vrolijk, Ruiz, Quijada, Lacle y demasfamiacu tamucho pa menciona, Voluntariaden diferentecomision di misa Sta Filomena, Miembro di coro 'Dios cu Nos' y 'Mensahe di Alegria' y ex-coleganan di belastingdienst.

Dispensa nos si den nos tristesa nos por a lubida algun famia.

Ceremonia di despedida ta tuma lugar diamars 7 Januari 2020 for di 9 or pa 11 or di mainta na Misa Sta Filomena na Paradera.

Oportunidad pa condolencialo ta Dialuna 6 Januari 2019 na Centro di Bario Piedra Platfor di 7 or pa 9 or di anochi.

Despues di Ceremonianon ta ricibibishita di condolencia na cas.



Dos detencion den caso di tiramento

WILLEMSTAD - Relacioná cu e caso di tiramento cu morto cu a tuma lugar dia 5 di januari 2020, personal di Rechêrche a detené riba e mesun fecha aki e **hòmber sospechoso E.E.P.C. nace na República Dominicana di 17 aña di edad.**

E detencion a tuma lugar den Basorapretuweg, alrededor di 16.00'or. E sospechoso aki, durante di su detencion tabatin algun fractura y lesion cu el a ricibí durante di e bringamento cu tabatin promé cu e tiramento.

El a ricibí tratamiento médico y a aceptá su culpabilidad den e caso di asesinato aki.

Mas lat, alrededor di 17.35'or, Polis a detené e **dama sospechoso N.C.L. nace na Kòrsou di 20 aña di edad** den Heersstraat, como cómplice den e caso aki.

Ámbos sospechoso a keda presentá dilanti di un Fiscal auxiliar kende a ordená nan encarcelamento pendiente di mas investigacion.

Royal Aurora Funeral Home & Crematory

"Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia,
Ora pa guerra y ora pa paz"
Predicador 3:1,2,4,7,8

Cu honda pena pero conforme cu Dios su boluntad nos ta anuncia cu a bay sosega den brasa di Señor, Mi Casa, Nos Tata, Suegro, Welo, Ruman y Omo stima:



Leo Wilhelmus Joseph Klaphaak

Mihor conoci como "Leo".
*08-04-1947 - †06-01-2020

Na number di su:
Esposa Swinda KLaphaak-Croes

Yiunan:
Saskya y Bryan Casey-Klaphaak
Doke Klaphaak

Nieto- y nietanan stima:
Analyse, Sabina, Decklin y Jaim Jo

Su Ruman:
Jolanda Perrit-Gentil y famia

Demas, Bisiña y Amistadnan.

Ex-Coleganan di Trabao Stealth Security Group, Playa Linda, Arubaanse Wegenbouw, Cempro Technica

Demas famia:
Klaphaak, Croes, Casey, Theysen, Arends, Kelly, Luidens, De Windt, Ras, Van der Horn, Gumbs, Faro y Werleman.

Ta invita tur famia, amigo-, amiganan y demas conocirnan pa asisti na acto di condolencia y despedida cual lo tuma luga diahuebs 9 di januari 2020 pa 9'or pa 11'or di mainta na Aurora Funeral Home. Despues lo tuma luga cremacion den seno familiar.
Nos ta pidi disculpa si den nos tristeza nos por a lubida un of mas famia

Royal Aurora Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason,
nos ta anuncia fayecimento di nos ser keri:



Clara I. Winterdaal- Delgado Vinasco

*28-09-1961 - †31-12-2019
Na number di su:

Casa: Lupe Winterdaal
Yiu: Jose "Joey" Winterdaal
Hijastra: Marylu Martis y Yuinan - Leilani Winterdaal y Yuinan

Mama: Aida Mary Vinasco de Delgado
Tata: †Juan Antonio Delgado

Suegra: Gloria Winterdaal
Suegro: †Carmelo Winterdaal

Rumannan: Luis Alberto Delgado - Andres Felipe Delgado

Subrino(a)nan: Juan Luis, Jean Paul, Miguel Santiago, Shaina, Shari, Lili, Diana, Geraldine

Amiganan di Cas: Mary, Jacky, Francis (Aruba) James, Nathalia (Colombia)


Swa y Cuñanan na Aruba y Colombia

Demas Famianan: Ras, Winterdaal, Delgado, Vinasco, Don Cel, Padilla, Posso, Jacobs
Acto di despedida lo tuma lugar na Royal Funeral Home diaranson 8 di januari 2020 di 7'or pa 9'or di anochi.
Cremacion lo tuma lugar den seno familiar.

Royal Aurora Funeral Home & Crematory

Mira con Dios a salba mi,
Tur mi confiansa ta den dJE,
Mi n' tin miedo:
Señor Dios ta mi forsa, mi refugio.
E mes t'Esun cu a salba mi.
Isaías 12:2

Cu dolor na nos curason,
nos ta anuncia fayecimento di nos ser keri:



Sr. Cerilio Johan Julen

Mihor conoci como "Ciro, Chinki, Tio Chi of El Tio"
*09-03-1931 - †02-01-2020

Acto di entierro lo wordo anuncia despues

Menky Rojer ta denuncia:

Deal di Rhuggenaath cu Klesch ta criminal!!

WILLEMSTAD. Prome dialuna di prome siman di aña 2020 a habri cu un cañonaso politico cu mester sirbi pa tur hende lanta for di soño pa loke ta trata rondo dje deal di Refineria di Corsou cu e grupo Klesch caminda parlamentario Menky Rojer a manda un bom den direccion di prome minister Rhuggenaath den e asunto di Refineria Isla.

“Sin pelo en la lengua” manera nan ta bisa na vernaculo latino, e parlamentario d Corsou Di Nos Tur a duna prome minister Rhuggenaath un lastra verbal cu te ainda ta reverberando den tur skina caminda hendenan tabata sintonisa e entrevista cu Richeron Balentin a tene cu e politico pa lanta tur hende for di soño.

Menky Rojer a splica cu ela caba di tende e parlamentario Obispo di PAR papia riba e areglo y si ta serca dje ela haña diploma, e lo kita e diploma for di dje.

Pasobra e no ta compronde nada di loke e asunto ta come y bebe segun Menky.

Ela referi primeramente na e hecho cu a firma un acuerdo pa 60 aña cu Klesch pa explota e refineria.

Simplemente ningun hende no por proyekta algu pa 60 aña, a lo sumo pa 15 of 20 aña.

Loke gobiernu a sera cu Klesch a bende e negoshi di Isla di un forma criminal.

Pasobra si Refineria Isla mes no bal nada, Bullenbaai si ta bal bon placa y pa un mandadario bende un cos di tanto balor pa 1 doler, e mester ta estúpido.

Pa bende e propiedad asina barata e mester tin rabia riba e pueblo cu a vota pe y de paso sea dicho, Menky Rojer a haña cu ta henter e klup cu a negosha esey ta criminal.

Pasobra a bende pa un doler pero awor tin cu sinta mira cu nan lo bay inverti en realidad tanto miyon.

E som cu Menky a saca ta masha simpel: e capital t’asina enorme pa haci e refineria operacional ta ki dia e ta gana sen pa paga gobiernu bek.

Rojer ta spera cu pueblo lo compronde con maligno e deal aki ta.

Simplemente no por cue propiedad duna Klesch sin cu

pueblo por saca beneficio y Klesch no ta inverti sigur e prome mitar dje aña aki.

Ela yama Rhuggenaath c.s. estúpido pasobra esey ta ora bo no sa un cos bo ta inocente pero si e sa canto Bullenbaai ta bal, e ta criminal.

Bullenbaai ta un deposito cu bal miyones y pakico ta dune pornada.

Sikiera lo a pidi 100 miyon pero pa bende pa 1 doler e ta keda un crimen contra pueblo.

“Bo ta un mandadario estúpido”, asina Menky Rojer a exclama.

E argumento cu sikiera asina a haña rosea pa paga e trahadonan durante seis luna no ta ensera ningun garantia.

Rojer a haci un comparacion entre e comportacion di Huangdong Zengrong y Klesch pa señala e transparencia cu tabatin compara cu e misterio di Klesch y Rhuggenaath.

Pa Rojer, e chinesnan lo tabata e solucion pasobra nan sikiera a bay parlamento pa splica nan causa pero Klesch no a bin parlamento. A ni PDVSA no kier a bay parlamento.

Ademas ela critica e hecho cu parlamentario Obispo ta defende un causa sin sikiera ela mira e contrat pasobra ta manera un manada e 12 parlamentarionan di coalicion ta cana tas di Rhuggenaath.

“Si e deal t’asina bon dicon no ta laga parlamento mire”, e parlamentario di oposicion a opserva.

Pa colmo Rhuggenaath a manda bisa pretu riba blanco cu parlamento no por mira detayenan dje deal.

E registro di calificacionan ofensivo cu Rojer a dirigi den direccion di Rhuggenaath tabata imprecionante y tabata muestra dje disgustu enorme cu e tin pe forma con e cos aki ta baiendo.

Esaki a cue propiedad di pueblo duna Klesch pa un doler mericano.

“Bobo, inepto, idiota y criminal ; tabata e calificacion di e parlamentario pa cu prome minister.

Anto e miedo cu nos tin ta, ohala e no tin rason pasobra si t’asina Corsou ta den su chucumpe y ningun hende no por bisa cu e no a atverti.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL